

**Հայոց լեզվի օլիմպիադայի մարզային փուլ
Պատասխաններ՝ 11- 12-րդ դասարաններ**

1. Վաղուց՝ հազարամյակներ առաջ, Միջագետքում սփռված էր պերճաշուք Բաբելոնը, **որ,** ամուր պարիսպներով ու դարպասներով շրջապատված, անկախ ու անառիկ էր պահում բյուրավոր բնակիչներ ունեցող քաղաքին: Եփրատի արևելյան բարձրադիր ափում արքայական ուղղանկյուն պալատն էր՝ միջնաբերդի երկնակարկառ **աշտարակներով,** որոնք, թվում էր, իշխում էին շրջակայքի վրա: Սակայն Բաբելոնի զարդը, իրավմամբ, նրա՝ զարմանահրաշ, աչք շոյող կախովի այգիներն էին: **Ըստ Հերոդոտոսի՝** այն հիմնել էր Նաբուգոդոնոսոր արքան՝ իրեն կնոջ՝ մեդիացի թագուհու ձանձրույթը փարատելու: Տեսնելով, որ ղշխուհին թախծում է տոթակեզ քաղաքում՝ վերհիշելով իր գովաստին հայրենիքը, արքան որոշեց անակնկալ մատուցել. նա թագուհուն կնվիրի փարթամ մի պարտեզ՝ նման Մեդիայի **ծառաստաններին:**

Քառահարկ աշտարակի վրա վառվողն պարտեզներն ասես **կախված** էին օդում: Չորսը հարկ վեհորեն բազմել էին կորնթարդ կամարներին, վերջիններս էլ՝ քառանկյուն մույթերին: Որպեսզի Մեդիայի **պատրանք** ստեղծի, թագավորն աշխարհի տարբեր ծայրերից անգամ բերել տվեց հազար ու մի թփաբույսեր ու հազվագյուտ ծաղիկներ: Ճեմուղու եզրերը պատված էին վարդերով ու նրբաբույր **եղրանիներով,** քիչ այն կողմում խոլորձի և մարգարտածաղկի թփերն էին, իսկ դրանց կողքը՝ պշրանքով օրորվող ծփիները:

Դարեր անցան, ու Բաբելոնը ասուպի պես անհետացավ ժամանակի հոլովույթում, և ահեղահոս ջրհեղեղն **հիմնովին** կործանեց Նաբուգոդոնոսորի՝ **կավից** պատրաստված պալատը (ի դեպ, Բաբելոնում ամբողջ կառույցները կավաշեն էին), նաև՝ հուռթի պարտեզը:

2. քաղաքին-քաղաքը, ափում-ափին, իրավմամբ-իրավամբ, իրեն-իր, չորսը-չորս, կողքը-կողքին, ջրհեղեղն-ջրհեղեղը, ամբողջ-բոլոր

3. ծեփծեփանք-պշրանք, խաբկանք-պատրանք, տարաթույր-վառվռուն, յասաման-եղրանի, անըստգյուտ-հազվագյուտ, հենաայուն-մույթ, ակնահաճո-աչք շոյող, ոստան-հայրենիք:

4. Բարդածանցավորներ՝ հազարամյակ, Միջագետք, արևելյան, ուղղանկյուն, միջնաբերդ, շրջակայք, անակնկալ, վառվռուն, քառանկյուն, ահեղահոս:

5. Առաջ-կապ, մակբայ, **որ-**հարաբ. դեր., շաղկապ, **անկախ-**ածական, կապական բառ, **թվում էր-**վերաբեր. բայ, **սակայն-**շաղկապ, վերաբեր., **իր-** դեր. գոյ., **նման-**ածական, կապ, **ասես-**վերաբերաան, բայ, **էլ -** մակբ. շաղկապ, վերաբերական **Ժամանակ-**կապ, գոյական, **իսկ-**շաղկապ, վերաբերա., **անգամ-**վերաբեր, մակբ., **շաղկապ,** **հազար-**թվական, գոյական

6. Վաղուց-Ժամանակի պարագա, **որ-**ենթակա, **աշտարակներով-** որոշիչ, **ըստ Հերոդոտոսի-** հիմունքի պարագա, **ծառաստաններին-** հանգման խնդիր, **կախված-** ստորոգելի, **պատրանք-** ուղիղ խնդիր, **եղրանիներով-** ներգործող խնդիր, **կավից-** անջատման խնդիր, **հիմնովին-** ձևի պարագա

7. հողաչափ, տեսակետ, լուսանցք, սայի, որկրամուլ, սկիզբ, ճառագիր, բաղաձայն, ստինք, տաքդեղ, բելոռուս, կարմրախայտ, վերջալույս, փողկապ, ընձուղտ:

9. Պառնասի գագաթը բարձրանալ- 1. ստեղծագործական /ներշնչանքի/ բարձունքի հասնել,

2. արվեստի մեջ բարձունքներ գրավել,

Արիադնայի կծիկ- բարդ՝ դժվար կացությունից դուրս գալուն օգնող միջոց,

գորոյան հանգույց- դժվարությունների, կնճռոտ խնդիր՝ գործ

Մորփեոսի գիրկն ընկնել- խոր, քաղցր քուն մտնել՝ քնել

վերջին մոհիկան- մի բնագավառի վերջին ներկայացուցիչը

**Հայոց լեզվի օլիմպիադայի մարզային փուլ
Գնահատման չափանիշներ՝ 11-12-րդ դասարաններ**

Ամբողջ հարցաշարին տրվում է 50 միավոր, որից՝

1. Բնագրի ճիշտ կետադրության համար տրվում է 5 միավոր:

Յուրաքանչյուր կետադրական կանոնին վերաբերող յուրաքանչյուր ոչ ճիշտ նշանի դեպքում հանվում է 0,5 միավոր:

2. Յուրաքանչյուր ճիշտ պատասխան՝ 0,5, ընդհանուր՝ 4 միավոր:

3. Յուրաքանչյուր ճիշտ պատասխան՝ 0,5, ընդհանուր՝ 4 միավոր

4. Յուրաքանչյուր ճիշտ պատասխան՝ 0,5, ընդհանուր՝ 5 միավոր

5. Յուրաքանչյուր ճիշտ պատասխան՝ 0,25, ընդհանուր՝ 5 միավոր

Բառերի քանակը պետք է կազմի 20 բառ:

6. Յուրաքանչյուր ճիշտ պատասխան՝ 0,5, ընդհանուր՝ 5 միավոր

7. Յուրաքանչյուր ճիշտ պատասխան՝ 0,2, ընդհանուր՝ 3 միավոր

8. Յուրաքանչյուր ճիշտ պատասխան՝ 1 ընդհանուր՝ 4 միավոր

9. Յուրաքանչյուր ճիշտ պատասխան՝ 1 ընդհանուր՝ 5 միավոր

10. Շարադրությանը տրվում է 10 միավոր: Ուղղագրական յուրաքանչյուր սխալի համար հանվում է 1 միավոր, կետադրականի համար՝ 0,5, քերականական, ոճական և տողադարձի սխալներից յուրաքանչյուրի համար՝ 0,25 միավոր:

Բոլոր առաջադրանքների ուղղագրական յուրաքանչյուր սխալի համար հանվում է 1 միավոր, կետադրականի համար՝ 0,5 միավոր, քերականական, ոճական և տողադարձի սխալներից յուրաքանչյուրի համար՝ 0,25 միավոր: